

MODIFICACIÓN DA NORMATIVA INTERNA DA FACULTADE DE CIENCIAS XURÍDICAS E DO TRABALLO PARA A ELABORACIÓN DO TRABALLO DE FIN DE GRAO EN DEREITO E EN RELACIÓNS LABORAIS E RECURSOS HUMANOS

(Aprobada pola Comisión Permanente da Xunta de Facultade o 28 de xullo de 2023)

PREÁMBULO

Tras sufrir diversas modificacións motivadas pola situación de pandemia de COVID-19 e por sucesivos cambios nos criterios de avaliación, a *Normativa interna da Facultade de Ciencias Xurídicas e do Traballo para a elaboración do Traballo de Fin de Grao en Dereito e en Relacións Laborais e Recursos Humanos* vixente até o momento revelouse parcialmente confusa en aspectos relacionados coa presentación dos Traballos de Fin de Grao ante un tribunal unipersoal.

Unha vez superada a situación antedita e no actual contexto de normalidade sanitaria, cómpre introducir varias modificacións que simplifiquen e aclaren a normativa aludida.

Por esta razón propóñense os seguintes cambios:

I. O artigo 10.5 debe quedar redactado como segue:

“5. Feita a tramitación electrónica, a solicitude de presentación do TFG formalizarase preferiblemente a través dunha mensaxe de correo electrónico dirixida á dirección do Decanato da Facultade de Ciencias Xurídicas e do Traballo”.

II. O artigo 10.6 debe corrixir a súa numeración, que estaba errada, polo que queda redactado como segue:

“7. A efectos de avaliación, o titor/a académico/a emitirá un informe no que valorará e cualificará o labor realizado polo alumno/a durante o período de elaboración do TFG”.

III. O artigo 10.7 debe tamén ser corrixir a súa numeración, polo que pasa a ser o 10.8.

VI. O artigo 12 debe quedar redactado como segue:

“Artigo 12. Avaliación e cualificación do TFG por parte do tribunal colexiado

1. *Celebrado o acto de presentación pública do TFG, o Tribunal avaliador deliberará sobre a cualificación tomando en consideración o informe emitido polo/a titor/a académico/a, a calidade do contido do TFG, así como a propia exposición, en particular, a claridade expositiva e a capacidade de debate e defensa argumental do/a alumno/a. Na avaliación aplicaranse os seguintes criterios:*

1. *Informes dos titores: Ata 3 puntos*
2. *Calidade do contido: Ata 5 puntos*

a Metodoloxía: máximo 2

b Calidade da redacción: máximo 1

c Conclusións: máximo 2

3. *Exposición: Ata 2 puntos*

a Claridade expositiva: máximo 1

b Capacidade de debate e defensa argumental: máximo 1

Aos efectos da ponderación do apartado 1 o titor deberá emitir unha puntuación numérica sobre base 10.

2. *A cualificación final será a resultante da media aritmética das notas atribuídas por cada un dos membros do Tribunal avaliador.*
3. *Consonte dispón o artigo 8.5 do regulamento para a realización do TFG aprobado polo Consello de Goberno da Universidade de Vigo o 17 de xullo de 2015, as persoas titoras poderán estar presentes con dereito a voz no acto de defensa e nas deliberacións do tribunal de avaliación.*
4. *A cualificación outorgada polo tribunal colexiado poderá oscilar entre 0 e 10 puntos, podendo conceder ao remate da avaliación e cualificación da totalidade do TFG, a mención de matrícula de honra de conformidade coa normativa vixente na Universidade de Vigo.*
5. *En calquera caso o Tribunal poderá suspender a un estudante se detecta deficiencias graves no traballo (grandes carencias na redacción ou na estrutura, fallas ortográficas reiteradas ou plaxio), debendo xustificalo debidamente mediante un informe adxunto á acta.*
6. *No caso de que o TFG non acade a cualificación mínima de aprobado (5), o Tribunal deberá indicar aqueles aspectos susceptibles de corrección e mellora para acadar a devandita cualificación.*

7. *No suposto anterior o/a estudante poderá presentar novamente o TFG á consideración do Tribunal noutra convocatoria do mesmo curso académico”.*

V. Engádese un artigo 12 bis co seguinte contido:

“Artigo 12 bis. Avaliación e cualificación do TFG por parte do tribunal unipersoal

1. *Celebrado o acto de presentación pública do TFG, o tribunal unipersoal decidirá a cualificación tomando en consideración a calidade do contido do TFG, así como a propia exposición, en particular, a claridade expositiva e a capacidade de debate e defensa argumental do/a alumno/a. Na avaliación aplicaranse os seguintes criterios:*
 1. *Calidade do contido: Ata 5 puntos*
a Metodoloxía: máximo 2
 - b Calidade da redacción: máximo 1*
c Conclusións: máximo 2
 2. *Exposición: Ata 3 puntos*
a Claridade expositiva: máximo 1,5
b Capacidade de debate e defensa argumental: máximo 1,5
2. *No momento de outorgar unha cualificación no informe que deberá emitir a través da secretaría virtual, a titora ou titor terá en conta unicamente a calidade do contido do traballo (metodoloxía, calidade da redacción e conclusións), ao que lle poderá outorgar como máximo 5 puntos.*
3. *A cualificación final outorgada polo tribunal unipersoal poderá oscilar entre 0 e 8 puntos.*
4. *En calquera caso o Tribunal poderá suspender a un estudante se detecta deficiencias graves no traballo (grandes carencias na redacción ou na estrutura, fallas ortográficas reiteradas ou plaxio), debendo xustificalo debidamente mediante un informe adxunto á acta.*
5. *No caso de que o TFG non reúna as condicións necesarias para obter un aprobado, o tribunal unipersoal deberá indicar aqueles aspectos susceptibles de corrección e mellora para acadar a devandita cualificación.*
6. *No suposto anterior o/a estudante poderá presentar novamente o TFG á consideración do tribunal noutra convocatoria do mesmo curso académico”.*

VI. Suprímese na súa totalidade a “DISPOSICIÓN ADICIONAL DERIVADA DA SITUACIÓN DE EXCEPCIONALIDADE DA CRISIS SANITARIA ORIXINADA POLO COVID-19”.

VII. Engádesse un artigo 15 que queda redactado como segue:

“Artigo 15. Criterios para a concesión das matrículas de honra.

Dada a limitación de matrículas de honra que se poden conceder en cada curso, a súa concesión, que en todo caso corresponderá á Comisión de Traballos Fin de Grao a proposta dos diferentes tribunais, basearase nos seguintes criterios de prelación:

- 1. A cualificación final obtida no TFG.*
- 2. A nota media do expediente académico do/a estudante.*
- 3. O número de Matrículas de Honra obtidas, o de Sobresalientes e, finalmente, o de Notables.*
- 4. De seguir o empate e en última instancia, procederase a un sorteo público”.*

VIII. Engádesse unha disposición transitoria que queda redactada como segue:

“Disposición transitoria.

As modificacións da Normativa Interna da Facultade de Ciencias Xurídicas e do Traballo para a Elaboración do Traballo de Fin de Grao en Dereito e en Relacións Laborais e Recursos Humanos, introducidas pola Comisión Permanente da Xunta de Facultade o 28 de xullo de 2023 entrarán en vigor na primeira convocatoria do curso académico 2023-2024”.

XI. A Disposición Final Terceira modifícase e queda redactada como sigue:

“Os Traballos de Fin de Grao dos alumnos e alumnas do PCEO do Grao en Administración e Dirección de Empresas e do Grao en Dereito rexeranse pola presente normativa no que se refire ao traballo correspondente ao Grao en Dereito”.